



Tawhiida

Description

Tawhiida jechuun maal jechuudhaa?

Jechi â€œTawhiidâ€• jedhu xumura, wahada, yuawahhidu jedhu irraa kan dhufeedha. Wahhada jechuun tokkichoomb, tokkicha godhe. Tokkichoomsun kan mirkanaaâ€™u nafiyi (dhabamsiisu) fi isbaat (mirkaneessu ykn raggaasisuun) yoo jiraatedha. Wanta tokko yoo tokkichoomsite, wantoota isaan ala jiran hunda ni dhabamsiista (nafiyi), Isaaf immoo tokkichummaa ni mirkaneessita (Inni Tokko qofa akka taâ€™ee ni amanta).

Wanti guddaan Rabbiin ilma namaa itti ajajee fi wanti guddaan Inni irraa dhoowwe maal akka taâ€™ee beektu? Wanti jalqabaa fi guddaan Rabbiin ilma namaa itti ajaje tawhiida. Kana jechuun Isa qofa gabbaru fi tokkichoomsudha. Wanti garmalee badaan ilma namaa irraa dhoowwe immoo shirkii fi kufriidha. Qurâ€™aana keessatti kanniin lamaan yommuu irra deddeebiâ€™u ni argina. Fakkeenyaf,

â€œRabbiin gabbara, Isattis homaa hin qindeessinaa.â€• (suuratu An-Nisaa 4:36)

Hiikni tawhiidaa kalimaa (jecha) â€œLaa ilaah illa Allahâ€• keessatti kan guduunfameedha. Yaa obboleesso/obboleetti koo jechi Laa ilaah illa Allah tuni waa lama qabdi. **Tokkoffaa:** Laa ilaah- dhugaan gabbaramaan hin jiru (kuni nafiyi ykn dhabamsiisu jedhama). **Lamaffaan:** illa Allah-Rabbiin malee (kuni isbaat ykn mirkaneessu jedhama). Kannin lamaan yommuu walitti finnu hiikni â€œLaa ilaah illa Allah- Dhugaan gabbaramaan Rabbiin malee hin jiruâ€• taâ€™a. â€œAshâ€™hadu an Laa ilaah illa Allah (Rabbiin malee dhugaan gabbaramaan akka hin jirre ragaa nan baha)â€• yommuu jennu maal jechuu keenyaa?

Laa ilaah (dhugaan gabbaramaan hin jiru) yommuu jennu â€œshirkii hin hojjadhu, Rabbii gaditti wanta biraan hin gabbaru, hin kadhu, hin sagaduuf, Rabbii gaditti gabbaraman dhugaa hin jiruâ€•â€• jechaa jirra. Illa Allah (Rabbiin malee) yommuu jennu immoo â€œRabbiin qofa gabbara, Isa qofa kadha, Isa qofaaf salaata,dhugaan gabbaramaan Rabbiidhaâ€•â€• jechaa jirra. Ragaan eessa jira yoo jettan, ina kunoo:

٢٠
قُلْ إِنَّمَا أَدْعُوْرَبِي وَلَا أُشْرِكُ بِهِ أَحَدًا

Jedhi, â€œAni Gooftaa kiyya qofa gabbara, Isatti waan tokkollee hin qindeessuâ€ Suuratu Jinn 72:20

١٦٢
قُلْ إِنَّ صَلَاتِي وَنُسُكِي وَمَحْيَايَ وَمَمَاتِقُ لِلَّهِ رَبِّ الْعَالَمِينَ

Jedhi, â€œDhugumatti, salaanni kiyya, qalmi kiyya, jireenyi tiyyaa fi duuti tiyya Rabbii Gooftaa aalamaa hundaatifii.â€ suurat Al-Anâ€TMaam 6:162

Kanaafu, **tawhiida** jechuun Rabbiin tokkichoomsu fi Isa qofa gabbaruudha. Tawhiidni bakka saditti qoodama. Isaaniis;

1.Tawhiid ar-Rububiyyahâ€“ Tawhiida Gooftummaa- Kana jechuun Rabbiin uumuu, mootummaa fi Tadbiir (Bulchiinsa, Tooâ€TManna) keessatti tokkichoomsudha. Tawhiinni kuni tawhiida Hojiiwan Rabbitiin wal qabateedha. Fakkeenyaf, kan wanta hundaa uumu, nyaachisu fi obaasu, jiraachisu, tooâ€TMatu Rabbiin malee hin jiru.

Uumu keessatti Rabbiin tokkichoomsu yommuu jennu Rabbiin wantoota hundaa akka uume fi Uuman dhugaan Isa qofa akka taâ€TMe amanudha. â€œIlmi namaa kunoo wanta haarawa ni uuma. Kuni jecha kee hin faallessu ree?â€ jechuu dandeessu. Deebiin isaa, ilmi namaa wanta hin jirre hin uumne; wantuma jiru gara biraatti jijire malee. Garuu Rabbiin (subhaanahu wa taâ€TMaala) wanta duraan hin jirre uuma. Fakkeenyaf, telefoona haa fudhannu. Ilmi namaa telefoona sibilaa fi wanta addaa Rabbiin uume lafa keessaa baase hojjataa malee wanta gonkumaa hin jirre irraa hin uumne. Sibiluma gara biraatti jijire. Garuu sibila san wanta hin jirre irraa kan uumu Rabbiin qofa.

Ammas Rabbiin (subhaanahu wa taâ€TMaala) uumuu keessatti homaanu wal hin fakkaatu. Eenyullee akka Isaa hin uumu. Rabbiin wanta tokko uumuu yoo fedhe, â€œTaâ€TMiâ€gedha. Achumaan wanti suni taâ€TMee argama. Ilmi namaa wanta tokko yommuu hojjatu, itti dadhaba, itti carraaqa. Garuu Rabbiin (subhaanahu wa taâ€TMaala) gonkumaa hin dadhabu, wanti Isa dadhabsiisu tokkollee hin jiru.

Gabaabamutti Uumu keessatti Rabbiin tokkichoomsu qabna. Homattu wal fakkeessu hin qabnu. â€œAkka namaa akkanatti uuma.â€ Jennee gonkumaa yaadu hin qabnu. Kana irra akkana jennee yaadu qabna, â€œRabbitiin wanta tokko uumuu yoo barbaade, â€œTaâ€TMiâ€TM jedha. Wanti suni yeroma san taâ€TMee argama.â€ Ragaan kanaa Aaya (keeyyata) Qurâ€TMaanaati:

بَدِيعُ السَّمَوَاتِ وَالْأَرْضِ وَإِذَا قَضَى أَمْرًا فَإِنَّمَا يَقُولُ لَهُ كُنْ

فَيَكُونُ
١١٧

â€œ[Rabbiin] Argamsiisaa samii fi dachiiti. Yeroo dhimma wayii murteesse, wanti Inni isaan jedhu, â€œArgami (taâ€™i)â€œqofa; yeroma san argama (taâ€™a).â€ Suuratu Al-Baqara 2:117

Mootummaa (Al-Mulk) keessatti tokkichoomsu yommuu jennu immoo Mootiin dhugaa fi yeroo hundaa Rabbiin akka taâ€™e amanuudha. Mootummaa yommuu jennu wanta tokko qabaachu fi isarratti aangoo guutuu goonfachuu fi akka fedhetti ajajuu, dhoorgu fi jijirudha. Kanaafu, addunyaa guutuu kan harka qabu, aangoon guutun harka Isaa kan jiru fi akka fedhetti jijiruu fi ajajuu kan dandaâ€™u Rabbiin qofaa jechuudha. Rabbiin (subhaanahu wa taâ€™aala) ni jedha:

١
تَبَرَّكَ الَّذِي بِيَدِهِ الْمُلْكُ وَهُوَ عَلَىٰ كُلِّ شَيْءٍ قَدِيرٌ

â€œ[Rabbii] Mootummaan waan hundaa harka Isaa jiru tolly Isaa baayâ€™ate. Inni waan hundaa irratti Dandaâ€™aadhaâ€ Suuratu Al-Mulk 67:1

Tadbiir (tooâ€™anna, bulchiinsa) keessatti tokkichoomsu yommuu jennu immoo wanta hundaa kan bulchuu fi tooâ€™atu Rabbiin qofa akka taâ€™e amanuudha. Namni wanta qabu fi isa jala jiru tooâ€™achu fi bulchu dandaâ€™a. Garuu addunyaa fi samii guutuu tooâ€™achu fi bulchuu hin dandaâ€™u. Wanta hundaa tooâ€™achu fi bulchu kan dandaâ€™u Rabbiin qofa. Fakkeenyaf, halkan oofe guyyaa fidu, dhimma namootaa, Aduu fi jiâ€™a sarara isaani qabatanii akka deemanii fi wantoota hundaa kan tooâ€™atu fi bulchu Rabbii Oltaâ€™e qofa.

Firiin Tawhiida kana beeku fi itti amanuu irraa argannu: Kan wanta hundaa uumu, mootummaan hundi harka Isaa kan jiru, kan wanta hundaa nyaachisu, kunuunsu fi tooâ€™atu Rabbiin qofa taâ€™uu yoo beekne, Isa qofa akka kadhannu, sodaannu, irratti hirkannu fi Isaaf akka ajajamnu nu taasisa. Jecha biraatin Rabbiin qofa akka gabbaru nu taasisa. Kuni immoo tasgabbii qalbii nuuf kenna.

2.Tawhiid Al-Uluuhiyyahâ€“ tawhiida ibaadah (gabbaris) ni jedhama. Kana jechuun â€œIbaadaa keessatti Rabbiin tokkichoomsudha.â€ Namni Rabbiin waliin wanta biraabu gabbaruu hin qabu. Yookiin akkuma Rabbiin gabbaruu fi sodaatu, wanta biraabu gabbaruu fi sodaachu hin qabu. Rabbiin waliin Nabiyyi, Malaayka, awliyaa, sheeka, taabota, jinnii fi kfk kadhachuu, sagaduufi qaluufi hin qabu. Rabbii tokkicha kadhachuu, sagaduufi (salaatufi), qaluufi fi ibaadaa biroo hojjachuufi qaba.

Wanti guddaan Rabbiin ilma namaa itti ajaje tawhiida kana. Namoonni baayâ€™een tawhiida ar-rububiyya itti amanu. Garuu tawhiida al-uluuhiyya kana itti amanu didan. Rabbii gaditti wanta biraabu gabbaru. Tawhiida al-uluuhiyyah kanaafi kitaabban kan buâ€™an, Ergamtooni kan ergaman. Rabbiin ni jedha:

â€œDhugumatti Nuti, â€œRabbiin gabbaraa; taabota [gabbaruu] irraas fagaadhaa.â€ [Jechuun] ummata hunda keessatti Ergamaa erginee jirra.â€ Suuratu An-Nahl 16:36

٥٦
وَمَا خَلَقْتُ الْجِنَّةَ وَالْإِنْسَانَ إِلَّا لِيَعْبُدُونِ

â€œJinnii fi ilma namaa akka Ana qofa gabbaraniif malee hin uumne.â€ Suurat Az-Zaariyaat 51:56

Ibaadaa keessatti namni tokko Rabbitti yoo waa qindeesse, mushrika (nama shirkii hojjatu) ykn kaafira taâ€™a. **Gabbarii (ibaadaa)** jechuun maqaa waligalaa dubbii irraa, hojji keessaa(dhoksaa) fi alaa (ifaa) irraa wanta Rabbiin jaallatu fi itti gammaduudha. Salaanni, zakaan, soomni, hajjiin, dubbiin dhugaan, amaanaa eegu, haadha abbaa tola oolun, hariiroo firummaa sufuu fi kkf ibaadadha. Ibaadan wanta lama gurguddaa irratti kan ijaarramedha. Isaanis; **Mahabbah (Jaalalaa) fi Taâ€™aziim (Guddisuu, kabajuu) dha.** Namni tokko Rabbiin jaallate fi mindaa guddaa Isa bira jiru kajeele wanta Rabbiin itti ajaje hojjata. Ammas, Guddinna Rabbii fi adabbii Isaa sodaate, wanta Rabbiin irraa dhoowwe dhiisa.

Firiin tawhiida kana beeku, itti amanuu fi hojji irra oolchu irraa argannu baayâ€™eedha. Isaan keessaa gammachuu fi milkaaâ€™inni addunyaa fi Aakhirah tawhiida kana irratti hundaaâ€™a. Namni yommuu Rabbiin qofa gabbaru wantoota biraatif gabra taâ€™uu irraa ni bilisooma, tasgabbii qalbii fi miâ€™aa jirenyaa ni argata. Gammachuun kuni itti fufuun gara Jannataa tarkaafata. Adabbii Rabbii irraa tawhiida kanaan baraarama. Namni Rabbitti waa qindeesse adabbiin isaa badaadha. Fakkeenyaf, Nabii Iisa (Iyyasuusin) gooftadha jechuun gabbaruu, haadha isaa Mariyam, Malaykoota fi kkf gabbaruun shirkiidha ykn kufriidha. Adabbii guddatti nama geessa. Rabbiin (subhaanahu wa taâ€™aala) ni jedha:

â€œDhugumatti namni Rabbitti waa qindeesse Rabbiin isarratti Jannata haraama(dhoowwaa) taasiseera. Teessoon isaas ibidda. Miidhaa raawwattootafis tuumsitoonni hin jiran.â€ Suurah Al-Maaâ€™ida 5:72

3.Tawhiid al-Asmaâ€™a was-sifaatâ€™ Tawhiida Maqaalee fi Amaloota Rabbii. Kana jechuun Rabbiin (subhaanahu wa taâ€™aala) kitaaba Isaa keessatti yookiin arrabaa Ergamaa Isaa irratti wanta Ofiin itti of waame fi wanta ofiin itti of ibseen tokkichoomsudha. Kunis kan taâ€™u, osoo hin jijjiriin, hin micciriin,akkana akkana osoo hin jedhin, osoo wayittu hin fakkeessin wanta Rabbiin mirkaneesse mirkaneessu (isbaat) fi wanta Inni dhabamsiise dhabamsiisun (nafiyyin) taâ€™a.

Ifa gochuuf maqaalee Rabbiin ittiin of waame fi mirkaneesse osoo hin jijjiriin, osoo hin micciriin itti amanuu fi ittiin waamudha. Maqaalee Rabbii keessaa Ar-Rahmaan, Al-Khaaliq, Al-Quddus, As-Salaam fi kan biroo itti amanuu fi tokkichoomsudha.

Ammas, sifaata (amaloota) Rabbii (subhaanahu wa taâ€™aala) osoo hin jijjiriin, osoo hin micciriin, akkana osoo hin jedhiini fi homaattu osoo hin fakkeessin itti amanuu fi tokkichoomsudha. Rabbiin ni dhagaha, ni arga, wanta hundaa ni beeka, Rabbiin oltaâ€™aa fi Arshii oli, fi kan biroo homattu osoo hin fakkeessin, akkana akkanaa osoo hin jedhin itti amanu fi tokkichoomsudha. Rabbiin ni jedha:

فَلَا تَضْرِبُوا لِلَّهِ الْأَمْثَالَ إِنَّ اللَّهَ يَعْلَمُ وَأَنْتُمْ لَا تَعْلَمُونَ



â€œRabbiif fakkeenya hin godhinaa. Dhugumatti Rabbiin ni beeka, isin hin beektan.â€ (Suuratu An-Nahl 16:74)

Firii Tawhiida kana beeku irraa argannu baayaâ€™eedha Namni tokko maqaalee Rabbii beekun yommuu maqaalee sanniin Rabbiin waamu fi kadhatu, duâ€™aayi (kadhaan) isaa deebii argata. Ammas, maqaalee sanniin Rabbiin faarsun gammachuu fi tasgabbiin itti dhagahama. Ammallee, namni sifaata (amaloota) Rabbii yommuu beeku fi itti amanuu, jireenyi isaa sarara sirrii akka qabattu taasisa. Amaloota Rabbii keessaa Rabbiin wanta hundaa ni arga, wanti Isarraa dhokatu tokkollee hin jiru, wanta hundaa ni beeka, ni dhagaha. Namni tokko yommuu amaloota kanniin beeku, of eeggata. Kophaa yommuu jiru, â€œRabbitiin na argaâ€¢ jedhe waan sodaatuf waan badaa hin hojjatu. Inuma qalbii isaa keessatti waan badaa hin yaadu. Rabbiin wanta qalbii keessa jiru hundaa ni beeka jedhe waan yaaduf. Kuni qalbii isaa akka qulqulleessu fi sadarkaa olâ€™aanaa irra akka gahu isa taasisa.

Guduunfaa

âœŽ**Tawhiida** jechuun Rabbiin tokkichoomsu fi Isa qofa gabbaruudha. Tawhiinni bakka 3 qoodama. **1.Tawhiid ar-rububiyyahâ€“** Tawhiida Gooftummaa- tawhinni kuni hojiwwan Rabbitiin kan wal qabateedha. Fakkeenyaf kanneen akka uumuu, ajajuu, nyaachisu fi obaasu, tooâ€™achu, fi kanneen biroo.

2.Tawhiid al-uluhiiyyah- tawhiida gabbarrii- Ibaadaa keessatti Rabbitiin tokkichoomsu.

Gabbarrii (ibaadaa) jechuun maqaa waligalaa dubbii irraa, hojii keessaa(dhoksaa) fi alaa (ifaa) irraa wanta Rabbitiin jaallatu fi itti gammaduudha. Salaanni, zakaan, soomni, hajjiin, dubbiin dhugaan, amaanaa eegu fi kkf ibaadadha.

3.Tawhiid al-asmaaâ€™a was-sifaat- Maqaalee fi amaloota Rabbitiin ittiin of waame fi ibsee itti amanu fi tokkichoomsudha.

Kitaabilee wabii:

1. [Shariih aqiidal waasixiyahâ€“](#) Jildii 1 fuula 21-26, ibn Useymiin
2. Shariih Usuul salaasa- fuula 39-40
3. [Explanation of the Three Fundamental Principles of Islaam](#)-fuula 33
4. [Bidaaâ€™u Tafsiir-jildii 3](#) fuula 440 Imaam Ibn Al-Qayyim

Date Created

January 13, 2018

Author

admin